



Broj: 07-1820 /14
Sarajevo, 21.05.2014

**KREDITORIMA, DONATORIMA I OSNIVAČIMA
MIKROKREDITNIH ORGANIZACIJA**

Poziv zainteresiranim stranama za podršku u prevladavanju i otklanjanju posljedica nastalih štetama od poplava te stabiliziranju MKO sistema

Poštovani,

Svjedoci ste katastrofalnih poplava koje su zahvatile značajan dio teritorije BiH i nanijele najveće materijalne štete stanovništvu od rata do danas. Značajan broj korisnika usluga mikrokreditnog sektora naseljava područja zahvaćena ovom prirodnom katastrofom, te je pretrpio ogromne štete na imovini, koje se prvenstveno ogledaju u potpunom gubitku ili značajnoj devastaciji stambenih i gospodarskih objekata, poljoprivrednih nasada, sitne i krupne stoke, te sredstava rada, opreme, materijala i gotovih proizvoda koji je služio kao osnova za egzistenciju.

Prve preliminarne procjene govore da će obim šteta prevazići mogućnosti njihove sanacije iz sredstava kojim trenutno raspolaže Bosna i Hercegovina. S tim u vezi smatramo da će finansijski sektor imati značajnu ulogu u otklanjanju posljedica katastrofalnih poplava, te da u okviru tih aktivnosti mikrokreditni sektor treba da da značajan doprinos.

Agencija za bankarstvo FBiH je MKO uputila instrukcije za postupanje s ciljem iznalaženja olakšavajućih mjera za klijente mikrokreditnih organizacija, čija je kreditna sposobnost zbog pretrpljenih šteta znatno umanjena, kako bi se olakšalo servisiranje tekućih obaveza, a da istovremeno njihovo provođenje ne ugrozi poslovanje mikrokreditnih organizacija. Navedene mjere se uglavnom odnose na relaksiranje mogućnosti reprogramiranja kreditnih obaveza, moratorija na otplatu kredita, otpisa kredita bez utuženja u slučajevima potpune štete, te smanjivanja kamatne stope na mikrokredite kod moratorija i reprograma.

U cilju stvaranja realnih pretpostavki za dugoročno i sistemsko otklanjanje posljedica nastalih štetama od poplava i zaštite ukupnog mikrokreditnog sistema, koji čine same organizacije, njihovi klijenti kao i kreditori, pozivamo sve socijalno orijentirane kreditore, osnivače i donatore mikrokreditnih organizacija da iskažu svoju opredijeljenost ka stabilizaciji i očuvanju mikrokreditnog sistema u BiH primjenom mjera koje će mikrokreditnim organizacijama koje su do sada uredno servisirale svoje kreditne obaveze, te adekvatno iskazale i koristile donirana sredstva u proteklim godinama, da pruže brzu i adekvatnu pomoć ugroženim klijentima.

Agencija za bankarstvo FBiH, smatra da bi mjere koje bi najviše pomogle mikrokreditnom sektoru bile donacije, koje bi se posredstvom MKO-a direktno transferirale klijentima koji zbog šteta pretrpljenih u poplavama nisu u mogućnosti servisirati svoje kreditne obaveze. Donatorska sredstva bi trebala biti usmjerena prvenstveno na pokrivanje kamatne stope u periodu moratorija, subvencioniranje kamata kod kredita u otplati i reprogramiranih kredita, saniranje gubitaka za kredite koji će se u cijelosti otpisati za najugroženije korisnike kredita za koje se utvrdi da nemaju nikakvu mogućnost otplate a pogodeni su katastrofalnim poplavama i klizištima.

Također smatramo da bi umanjivanje kamatnih stopa mikrokreditnim organizacijama na postojeće kredite u otplati, te reprogramiranje dospjelih obaveza mikrokreditnim organizacijama koje su do danas pravovremeno servisirale svoje kreditne obaveze, značajno pomoglo sektoru da prevaziđu nastale probleme.

Nadamo se da će sve zainteresirane strane kao i do sada iskazati svoje opredjeljenje da nastave podržati mikrokreditni sistem u BiH putem aktivnosti koje će imati direktan pozitivni utjecaj na nepogodama ugrožene kategorije stanovnika – korisnika mikrokredita

S poštovanjem,

**DIREKTOR**
Zlatko Barš